

中國方志叢書·華中地方·第四九六號

據

明·楊寔纂修
明成化四年刊本

影印

浙江省

寧波郡誌

(一)

成文出版社有限公司印行



10101920

中國方志叢書·華中地方·第四九六號

據

明·楊定纂修
明成化四年刊本

影印

浙江省

寧波郡誌

(二)

成文出版社有限公司印行



10101919

中華民國七十二年三月臺一版

寧波郡誌

共二冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

寧波府誌序

寧波古甬東地秦漢屬會稽郡
唐為明州以境內有四明山故
名其地濱海枕山臂江人物財
賦自昔為列郡之冠而官業科
第於今為尤顯焉歷代所脩及
儒者所述若誌若記之類雖各

有所明然得此而遺彼或循軌
而泯實無完書以考見一郡事
物之全至宋尚書王公應麟元
學士袁公桷相繼纂脩稍為詳
悉然亦多散亡遺缺而袁之後
迄今又幾二百年未有續者誠
政之缺也天順間孝感張公瓚

來守是邦政行民悅百廢具舉
實切留意於此詢諸郡人知前
司安成訓楊先生宴學博才膽
足以任筆削之寄也乃館之於
公授以前誌俾重加脩輯先生
斟酌舊典採撫新聞芟繁而取
要因畧以致詳自沿革至集古

列之為二十攷總之為十卷於
是郡中事物古今巨細紀載無
遺一檢閱之頃可盡得之張公
命工鋟梓及半而有東廣叅藩
之擢莆田方公逵自廷評來繼
其職德以愛民而才稱其德尤
以是誌為當務乃重加校正而

皆成之以余有同年之好書來
請為序夫夏有禹貢周有職方
春秋列國各有史官掌記時事
至秦郡縣天下歷漢晉隋唐以
來而郡邑多有誌矣然豈易為
哉蓋文獻不足則採擇不備去
取不精無以取信於世非為政

得人則信道不篤見義不為不
能圖傳於後今寧波之誌前有
王袁二公作之後有楊先生述
之而燦然以明惟張公克勤厥
始惟方公克成厥終而確然以
傳信所謂文獻足徵而人存政
舉也後之人獲覩一郡成書以

資其見聞充其知識又取前脩
之成憲以為治身守官之法則
是書於政教豈小補哉故不辭
而為之序云

成化四年戊子春正月

賜進士出身中憲大夫浙江等處
提刑按察司副使奉

勅提調學校安成劉鈺書

寧波郡誌目錄

一卷

沿革攷

分野攷

疆域攷

土風攷

城池攷

二卷

山川攷

嶺巖峯洞林墓附山下
浦渡溪潭泉附川下

三卷

河防攷

湖渠塘池井硯閘堰埧水埭水則附

四卷

閭里攷

鄉村坊巷市鎮亭臺橋梁附

土產攷

祥瑞附

貢賦攷

戶口攷

五卷

兵衛攷

解舍攷

六卷

學校攷

祀典攷

七卷

職官攷

科貢攷

衣冠盛事薦舉附

八卷

人物攷

仕宦儒業忠義孝行隱逸文藝寓客節孝異人名僧仙術附

九卷

寺觀攷
卷堂附

十卷

集古攷

寧波郡誌目錄終

寧波郡誌卷之一

鄞後學楊 寔纂脩

孝感後學張 璣校正

莆田後學方 達校正

沿革攷

明堂社稷田制詩書所紀與周官殊周官太平書也周公嘗行之周祀曆八百未嘗有所改也縣秦至宋率數十年輒易矣郡縣城邑廢徙無常陵谷變易然也兼之以人事其理若是作沿革

攷

周禮職方氏載揚州之鎮山曰會稽昔夏后禹東巡狩會諸侯於江南上苗山大會計更名苗山曰會稽禹崩而葬

焉。○少康封其庶子無餘為諸侯以奉祭祀。是為越國。是

時鄞鄒句章為越東境之邑采。○周敬王四十六年，句踐

無餘之後，為吳所滅，尋復封之地，廣百里，東至于鄞。今奉化縣是也。既

返國，嘗膽勵士卒，遂滅吳，欲置吳王角東君百家。今昌國是也。

秦平越，始皇二十五年，以吳越地為會稽郡治。吳漢地志

會稽今屬明者曰：句章曰鄞，則鄞立縣，繇秦來久矣。

陸雲言秦始皇留鄞縣三十餘日。漢景帝四年，吳王濞反，誅復為郡，治於

吳。○武帝元鼎五年，除東越。除東越一本作滅東甌。因以其地為治

并屬於此，而立東部都尉。後徙章安。今在奉化縣南。○成帝陽朔